

光緒山西通志

列女錄十九

錄五之十九

山西通志第一百八十

賜進士出身頭品頂戴兵部侍郎兼都察院右副都御史巡撫山西提督軍務臣張爾

旨監修

貞烈

太原府

平陽府

蒲州府

國朝

胡氏白萬寶妻歸踰年而萬寶病沒氏痛絕復蘇志以死殉葬畢其母迎之往忽夜半哭而訴曰頃夢夫作苦兒不忍其獨瘞將從地下助之母溫言慰解則曰翁姑侍奉有人兒無子女累死同樂也越月歸不眠不食淚下成血一日乘間縊別室年十九乾隆中旌

陽曲下同

武氏儒士侯福喜妻端莊勤慎事孀姑李氏與祖翁姑無間言生女銀姐四歲夫肄業晉陽書院姑李一日至母家囑夫

弟某守家某素無賴乘夜以私迫之氏忿極大罵某懼取麪杖擊傷氏額暈絕仆地以繩勒死銀姐方泣扼其頸亦立斃而哀求父母詭以自縊聞倉卒棺斂氏兄武榮蘭者察有異情訟於官開棺覆驗時死已七月尸猶未腐寃白旌如例事在乾隆五十四年

哲氏趙發明妻發明卒遺女十歲子二歲常私諭女曰日後善撫爾弟女不解其意又常與其母曰聞夫死稱未亡人兒謂不如作從葬人母亦漫應之無幾竟投櫃死去發明喪未踰月也

王氏舉人周憲韶繼妻父鶴齡亦舉於鄉于歸半年憲韶染疫遽亡氏痛甚水漿不入口家人百方慰解終未釋姑慮不測令移衾已室朝夕共之越三日晨起侍巾櫛畢潛入夫柩

側服鉛粉死年二十餘嘉慶中旌

王氏劉安仁妻年十七歸安仁未期安仁病且篤謂氏曰我死汝年少可再適氏曰既有家復何適旣而見夫病不能起遂自經安仁聞之惋惜良久尋亦卒

葉氏馬見龍妻夫亡痛絕復蘇時夫弟早沒遺女年笄矣強起力替嫁之卽誦曰葬夫一切電事備送繼於柩側年四十五出殯之日雙棺並衢見者無不掉歎

劉氏李振清妻夫死自縊以殉

溫氏陳法盧妻年三十而孀親屬逼之改適氏泣曰夫骨未寒請俟之百日後乘間自經

王氏張兆福妻兆福臥病五年朝夕奉待不倦病篤許以死殉殯之三日遂自縊時年二十三

弓氏閭振貴妻年二十三里有惡少戲言相犯忿而自經事
白獲旌時嘉慶十七年也

李氏岳生智妻及王玉環妻康氏傅榮妻陳氏謝俊妻武氏
李昌妻劉氏宋發富妻某氏王瑞妻某氏並以殉節蒙旌事
實不詳

韓烈女父蓋臣縣民也女年二十許同縣王昂子朝藩合番
有期而朝藩死訃聞女請衰絰偕母往弔既至啟於母曰兒
王氏未亡人無歸理願留事翁姑毋憐其少弗許歸後女毀
容服絕嬉笑至不知有眠食逾年有問名者父母將許之女
知欲奪其志乘間投繯死死之日衣衾上下初之甚密父母
哀其志告王氏使迎其柩與朝藩合葬焉鄒守周景柱爲之
傳以表其貞

韓烈女愛姐不詳其父名有以私迫之者自縊死獲旌

韓烈女潤姐父雲家貧僦居郝三別院郝素不軌一日雲出
潤姐母至郝妻房中絮語郝時微醉乘間逼潤姐潤姐忿極
呼母至郝已遁雲歸女哭訴之且曰兒不得爲人矣翌晨自
經死時年十七事白蒙旌

劉氏張廷源妻有強暴欲污之羞忿服毒死有司旌之

太原下同

楊氏孟孫蕙妻州同道光女也孫蕙沒無子氏年十八勵志
守節尋以哀戚成疾其父延醫治之氏曰今日死已晚矣尙
服藥求生耶遂卒縣令給扁旌其門

原氏李宗福妻被鄰匪穢曾自縊身死嘉慶六年旌

曹氏牛敏妻鄰有無賴迫之力拒得脫忿極服苦杏仁身死

嘉慶十八年旌

王氏舉人楊鈞妻性端淑鈞病度不能起以氏年少爲慮氏毅然曰君無慮妾請先君至地下相待竟吞金死鈞後數日乃沒

閻氏朱宗程妻年三十遭夫喪未閱月磨杵仁緩服之中毒死鄉人表其閭

郝烈女三姐父村民也因鄰某語言戲狎女捐軀明志乾隆中旌

高烈女父碩幼許字石氏子應魁娶有日矣應魁旋以疾卒女聞信號泣不欲生父母以室女不應殤夫論之將欲改聘女乘間投繯死時同治六年四月也年甫十七

龐氏李進蓮妻早孀鄰有惡少李正寅夜竊啟其門入逼之氏峻拒指裂其膚負創而去雖晦冥中審爲正音也次日氏

往嘗爲正反肆凌辱氏忿恚棄幼子投井死康熙四十三年

旌

旌次
下同

要氏張大成妻年十七于歸逾歲大成廢疾氏出簪珥爲營醫藥日夕呼天祈以身代衣帶不解者六月大成竟不起斂之明日自縊以殉時方甚暑露尸逾日顏色不變縣令鄒雙聞之爲表其閭

殷氏張貴生妻年十五歸張爲養媳事姑盡孝佐貴生操作能食其力乾隆庚午四月五日姑與夫俱外出王名英颺其獨夕入室直遇之氏裂其膚疾聲大呼名英逸去貴生白之官氏曰身不污而名辱有死耳何顏質於庭姑防之密旣復強爲歡笑乘間自縊有司捕名英置之法氏獲旌

王氏安永德妻年二十七永德病沒家貧無子將葬縊於柩

側以殉

郭氏張福瑞妻年二十五喪夫連日不食幾殆子甫四歲人以撫孤勸之始勉進餐越二年子穉仍絕粒死與王氏同時奏旌

呂氏趙德據妻家貧姑早沒夫拙於生計氏勤女工供衣食事翁甚謹咸豐三年夏金河漲發夫溺水死氏日向河側哭祭哀痛毀容鄰婦素與善恐有不測動輒相從越三日氏以婉言給鄰婦防稍疏氏遂赴水死出其尸見上下衣紉極密羣歎爲從容就義云事聞獲旌

田氏張魯妻年二十四縉沒即日服毒死

冀氏郝俊嵐妻俊嵐卒哭泣不食屢覓死家人防護之歷七日竟死年二十二與田氏俱旌

羅氏段某妻值夫遠出有無賴設計誘之氏覺而逃抵家自縊

賈氏邱雲霞妾年二十一生子甫四旬同治初潰勇過境氏獨家居勇劈門入強之作食氏懼見污乘間自縊

高氏高太和妻太和病沒氏於次日服毒卽令人召其母家未至乃告其孤曰婦與夫誓同死今可遂志矣遂歸寢室仍整衣服勤灑掃母家人至具告以故毒發乃卒時年十八人咸服其從容盡節云

趙烈女二姑年十三父耕母憊外出女守門鄰人謁思虎伺其家無人突入犯之女力拒不從思虎遁去旋父母歸女告之且痛泣不欲生其叔添中與父訟之官思虎誣言與女夙有約令庇思虎卽以和訊女不甘污穢暗出袖中刀自刎死

時方盛暑尸橫數日不腐蠅蚋皆遺去人咸以爲異後屢控於大府經年不得直御史奏聞

命刑部詳鞠寃乃白遂置思虎於法女以烈旌縣人醜金葬於王胡驛南侍講學士顧菴爲作碑記

郝烈女嫫姐母晏氏郝某妾也女年十五父與嫡母相繼逝晏行不潔惡女異已數歐迺之女終不從遂自縊死事在道光十七年同治中旌

李氏侯化龍妻逆閹之變氏率子萬方姪萬里暨子婦任氏姪婦王氏趙氏五女其三未字並諸婢凡十三人同赴井死奏聞被旌太谷下同

孔氏諸生張孔教母孀居三十年闖賊陷城不屈被害同時諸生趙奇俊母馬氏趙秉龍妻杜氏諸生吳桂妻杜氏並爲

賊死

王氏杜興周妻年十九而孀舅姑利其姝與富室某已成約
氏涕泣堅拒父母復以勢利慫恿之氏知不免臨期紿以改
妝扇戶自縊

侯氏胡世武妻年二十一世武卒哀痛幾絕以舅姑老勉承
色笑比釋服哭於夫墓歸嘔血數升自縊死

杜氏白天懷妻年二十三夫亡避廬生女撫姪帝愈爲嗣親
乳之既已成立泣曰汝善守家業善將從汝父於地下矣不
食數日卒

牛氏要如璠妻如璠卒誓以身殉其妯娌恐二子乘直乘應先
食日守勸之氏伴諾終不食而死年二十五

衛氏建平知縣杜鳳梧妻鳳梧卒於官同日吞金死

侯氏員伍智妻年二十六夫亡矢志撫孤未半期而子女俱
殤投燬死雍正中知縣澤沛旌其門

李氏王某妻里中無賴范守仔戲調之憤而自縊事發守仔
伏辜氏蒙旌入祠

王氏趙國珙妻國珙出外無蹤氏勸針黹以事姑姑卒無資
治喪糶括已衣以斂痛哭終日投井而死

張氏諸生史傳藻妻傳藻病亟以家貧無子屬其他適氏誓
無二志喪未逾月自縊死

胡氏都司溫承命妻承命卒越四日吞金以殉

武氏侯宗詳妻于歸二年而宗詳沒視斂畢乘間投井死年
十七

張氏胡氏孫鶴年妾也鶴年沒二妾偕婢桂蘭飲鴆以殉

李氏郭汝瀉妻汝瀉沒無子請於夫從兄某以其子爲之嗣
大飲畢遂投井死

曹氏白重常妻歸重常生一女而孀家貧值醮常不給會有
以改醮強迫者自刎死

張氏車永昌妻年十九歸永昌甫期而孀無子家甚貧舅姑
以青年難守且慮餓粥之弗能給也強之改醮氏聞不食數
日乘間投繯死

董氏白守理繼妻守理卒無子家屢空誓以身殉視斂畢仰
藥死

趙氏籍淑堂妻年十五歸淑堂甫二年而孀哀毀矢殉以姑
病忍死侍奉飲食藥餌必嘗而後進逾年姑病瘳擇日送夫
葬臨穴哀痛欲絕不食三日死

曹貞女村民曹兆吉女也幼許字同里白秉琚之子永壽未
婚而永壽死女矢志守貞越數年卒永壽父秉琚迎歸與子
合葬焉

胡烈女幼字趙良異之子朝宗朝宗妻女年十四聞耗悲泣
父母將改字他姓女聞益悲不食死時道光丙申十月也後
朝宗兄朝棠迎女襯歸與弟合葬以次子秉綸爲嗣

溫氏諸生申燦妻姜瓊之妻夫婦俱被執賊殺燦扶溫上馬
而去溫墜馬者再叫號怒罵遂遇害

祁縣下同

溫氏王定邦妻定邦他出強暴乘夜趨氏室直犯之氏叫號
力拒罵不絕口強暴懼比鄰驚覺拔刀刺之立斃有司奏聞
給旌

孟氏高德山妻家貧夫趁食遠東氏獨居紡績度日有從子

幼失怙恃撫育如已出里中無賴調以戲言氏正色斥之憤極因攜從子託其叔姑旋自盡乾隆中旌

渠氏王興英妻年十九興英歿撫棺自縊以殉

彭氏和桃鎖妻桃鎖弟世人素無行乘間挑氏氏怒批其頰並告夫及姑飭責之世人慙忿居數日伺氏獨居挾刃迫之氏仍痛詈擲以輒世人遂刃傷氏擊及額已仆復連刺之洞脣而死獄具世人論死氏旌如例

程烈女二姐父爾潔賈獲鹿女年十六偕母杜及幼弟家居遇貞觀道士馬陽旺覲女懷異志乘夜伏屋梁俟母出潛下逼之女怒喊不從聲徹於外陽旺懼拔刀刺之母聞驚愕急往燭之女已死陽旺知不免亦自刎雍正中旌

李烈女九兒父允照村居女偕母王氏赴場磨麥有強暴伺

母還取麥欲汚之女奮臂力拒得脫哭訴於母羞憤莫釋其
夜投繯死事聞強暴伏法女予旌

劉氏監生閔士宏妻年二十七士宏卒晨夕悲號志期死殉
家人嚴衛之伺者偶疏一線自盡去士宏之死蓋未滿百日
也徐嗣

馮氏廩生閔士特妻幼嫻姆訓適閔生子榮甫五歲士特卒
氏痛絕漸死者再姑以立孤勸乃毀容截髮曲承姑意每語
榮曰幾時得見而父於地下苦守逾十年榮既長投井死
時氏儒士常修事妻年十七歸常未期而遭夫喪以身殉之
周烈婦不詳其氏縣尉張聰言婢也歸令某客周夢槐為遣
室甫年餘夢槐卒婦視含斂畢入別室仰藥而死

溫氏舉人蘇際春妾事姑舅以孝聞際春病沒氏日夜嘔泣

水漿不入口矢以身殉家人防之偶懈飲

自盡距際春沒

甫五口也際春子紱官刑部奏請旌表

史氏李錫朋妻錫朋客死中州柩既歸

之死有司申

請旌表

清源鄉下同

范氏鄭國佐妻夫亡無子視斂畢服毒死

張氏潘旭昇繼妻年二十五夫亡無子日夜痛哭欲以身殉

家人防守嚴逾年不食死

孫氏李珮妻曹氏李環妻西山盜起妯娌戒弗辱賊至相繼

投井賊強出之二氏詈罵奮躍而入賊怒壓以大石而去

交城

同下

李氏王淑字妻年十八淑字卒號泣終日仰藥死

孟氏賈廷芝妻年二十三廷芝卒自縊柩前以殉

魏氏李得名妻村有惡少戲挑之羞忿自縊

古氏高成名妻族某以穢言誣詈氏義不受辱急欲自明遂
投糞死鄉人賢之爲請旌焉

李烈女王姐李發之女幼字閻環奇環奇出亡不返年及笄
父母將改字女聞飲泣不食閻戶自縊

文氏舉人郭朝宗妻賊至氏恐被辱投井死邑令劉乃桂旌
其烈

文水
下同

牛氏潘來泰妻來泰臥病氏侍湯藥衣不解帶者二年無子
女及旁親疾革乃舉田產衣服之屬盡鬻之以爲飾終之具
每事必兩洎來泰歿從容斂之謝族人曰吾事畢矣掩戶吞
金以殉

武烈女幼字任汝舟未及婚院鄰某淫女美乘其父母他出

挑之不從繼復強逼女力拒大呼某遁去父母歸涕泣訴知
遂仰藥死官捕某訊伏置之法歸女喪於任氏道光中旌
霍烈女村民建盛女幼字鄰村李氏子長齡及長貧而無行
建盛悔之光緒丁丑大饑長齡益困建盛召之至諷令退婚
且啖以利長齡欣然書券持金去女知之弗善也涕泣不食
富人子某紫凝女美厚幣聘之建盛喜陳服飾夸示女冀移
其志女略不顧兒事已迫潛令所善鄰姐約長齡至責其背
盟出私蓄數金與訂期俾以車來脫身偕歸長齡故無意得
婦金入手隨蕩盡踰期不至而富人子旦夕促婚女大慟乃
仰藥自殺將死謂家人必歸骨於李氏時年十八建盛忿甚
置弗顧里老哀其志爲具薄棺葬諸李氏之塋長齡旋餓死
李氏郭命宏妻強暴張榮過污不從被害康熙五十三年旌

奇嵐
州

康氏王授基妻年十九授基卒遺腹生子立閭十餘年爲締
姻畢乃會親族碎立哭奠於授基墓泉莫之解氏歸即自縊
時年三十有二興縣
下同

張氏里民管福之女劉餘德妻也餘德家故貧早失怙恃依
伯母與氏以居氏既歸事與如姑做衣粗食操作勤苦無怨
言越二年餘德遭疾罄匱資以供湯藥及卒視含斂畢乘間
櫛沐僞爲取什物者入殮室自縊於柩前去德餘死甫三日
耳縣人奇其烈請於官獲特旌以上太
原府

裴氏楊名譽妻年十八適名譽家貧僦居於李即爲之備以
償其值暮春主人繕葺房舍羣工雜沓翁將探姑洪洞慮裴
稚弱扇之乃出有李先真者聞其無人遂踰垣下氏急趨出

門鍾氏乃大聲嚴拒先真懼扼氏吭而死邑令王承露獻得

其實先真抵死氏蒙旌

臨汾下同

郭氏喬五蒲妻志行純潔里稱賢婦居與族人賴娃比五蒲往浮山賴娃碎入逼之氏峻拒不從賴娃怒取鎌刀斫殺之事聞康熙十五年旌

平陽烈婦不詳其姓姜瓖之亂被掠行至定州唐城村清水

河側帝君閣下以柴頭書絕命詞於壁自縊而死州守王某

具棺斂之致祭立墓殯於閣後勒詞於石置閣下

題壁云姜

名門之女因姜瓖作賊爲所掠百般逼辱抵死不從行至古瀛中山唐陶故地回首家鄉歸期永隔涉水登山何時是止思父母不得見想丈夫不得覩時庚寅四月十五夕也明月在天清水在旁願自盡於此上不愧於父母大無慚於夫婿庶幾與水同清與月同明而已

劉氏王之相妻之相坐罪遣戍氏泣與相訣曰妾聞貞女不

出閩門今相從數千里日與解卒爲伍必多受侮與其辱而生毋甯死爲愈遂闔戶自經

王氏劉崇晉妻年二十八崇晉卒矢守不二遇盜懼辱抱女投火死

充氏李明經妻年十五歸李越二載李卒視紋畢旋即自縊以殉

徐氏張文璣妻秉性貞潔遇無禮刎頸不殞復投縊而死

于氏劉之忠妻適之忠三年而孀听夕號泣勺水不入口有諷之者曰婦青年勿徒自苦氏瞪目者久之乃佯節哀進依食中夜解縊自縊柩側

王氏副貢生張方杲妻年二十六夫病篤焚香翦髮誓以身殉及卒哀毀骨立投版者再四翁姑解免之次年清明節躬

親祭婦歸絕粒旬餘而卒李亦韓爲詩輓之

柴氏諸生張克比妻年十九適克比甫期月克比病沒氏不食而死

卓氏諸生王時敏繼妻時敏病沒卽日投井死

宋氏鄧茂學妻年十五歸鄧後夫病亡氏誓以死從翁曰爾死我將何依氏遂不敢復言日勤操作盡孝養閔二載翁卒殯葬既畢仰天痛哭曰吾事畢矣遂自縊而死時年二十有九學使李旌其門

王氏石永堅妻年二十六而寡咸豐癸丑粵逆竄境氏守志不辱罵賊死之

貴氏秦煒妻癸丑之變氏生子方彌月與諸難婦匿密室兒啼衆懼推之出適與賊遇遂抱兒投井死

張氏侯學廉妻年二十八而孀無子育一女癸丑城陷氏懼辱與女投繯死

席氏把總傅宣妻李氏都司傅煒妻城陷如媪同時死節人稱雙烈

陳氏諸生宋秉文妻城陷夫及子俱遇害氏亦以身殉焉
何文煜母石氏孀居守志子服賈京師女二方待字遇變率女投井死

徐氏陳殿元妻賊警漸逼全家走避郡城及城陷藏夫於積炭下遂與姑投井死時年二十六

張氏荀恒昌妻恒昌與弟繼昌賈江南死於賊氏聞訃誓以身殉即覓人往收骸骨後數月賊北竄至郡全家遇難同死
陳氏劉秉元妻城陷率二子一女及媳安氏投井死

王氏諸生呂璠妻城陷璠與姪某同遇害氏率姪媳趙氏及子壽兒投井死

劉氏貢生韓維鎮妻城陷維鎮被害氏痛哭奮罵與子婦李氏並孫女等並死

褚氏李長春妻城陷率子女舉家殉難同時陳天爵妻賈氏陳健妻董氏李永忻妻張氏皆不屈而死

韓氏楊毓誌妻夫沒遺一女苦志矢守賊至與女同死王氏梁振興妻賊掠及所居氏懼受辱投井死

張氏巨純妻年十九而寡無子撫一女孝事翁姑苦節已十六年賊入村肆掠氏恐受辱牽女投井死

張氏喬佑妻寇警避難村中王姓圍賊偵知驅羣婦出氏恐不免投井死

仇氏張聰妻年二十三而寡撫幼孤堅貞自矢村居避地遇賊欲辱之氏痛罵不絕抱子投井而死

郭氏高秉忠妻聞警偕姊姒劉氏姪婦郭氏避地東鄉賊至懼辱相攜投井死同時李光輝妻李氏孫大有妻郭氏並死於井

田氏遙繼燭妻捻匪虜掠及東鄉見氏脅遁氏痛罵不屈賊怒斷其左臂而死一時罵賊死者又有薛雲程妻李氏

席氏諸生韓立昌繼妻年二十二而寡事姑以孝聞攜前室子避亂村居遇賊匿子別所自投井死又徐鈞妻賈氏攜幼子遇賊城東爲所迫投道旁井子亦從死

鄧氏亢羅宿妻與姑偕避難遇賊呪其美欲辱之氏奮罵不屈賊怒手刃之未殊與姑同墜道旁購相抱而死

金氏虞貢王步江妾江南高郵人也步江幕遊沒於客邸氏聞訃竊不欲生後其子扶櫬歸氏卽於是夜投緘以殉

范烈女父學端世居郡城女賦性貞靜舉止端嚴年十四一日父母他出鄰某窺女獨處欲犯之不從攜刃威逼女力拒大罵某懼斷其吻登時斃命道光二十四年旌士民爲樹碣城南以記其事

崇烈女俊姐父作俊城居賊攻城急女徘徊井畔見賊入遂墜井死時年十九

張烈女名散心年十四未字性峻潔寡言笑同治丁卯捻匪擾境至其家祖秉成雙目瞽賊牽之出將犯女女憤置賊怒支解之祖與叔及二兄皆遇害

李烈女父大成鄉居丁卯捻匪之變年方及笄聞警將避賊

粹至迫逼之女恐不免投井死

高烈女父英世居東關女年二十四待字捻匪之變隨母走
避遇賊義不受辱投井死

巨烈女幼字張佑年十九未嫁賊至女懼辱投井死語家人
以尸歸張氏事平佑感其烈收葬之

張烈女父萬榮村居賊至避亂走襄陵途遇賊欲辱之女投
井死時年十九

楊烈女名雲兒楊秉謙女也年十五捻匪掠入村見女威脅
之不屈遇害

王烈女父礮家東張村逆匪逼女義不受辱投崖死

王烈女名英淑年笄未嫁大家貧虛荒逃亡父母欲奪其志
女堅執不可服毒而死

賈氏許應鳳妻貧家婦也鬻女女啼氏親送之晚歸遇鄰人
衛升于道衛乘夜逼之氏堅不從疾聲呼救衛扼其喉而死

康熙二十八年旌

襄陵下同

梁氏盧象頤妻年二十夫亡家貧子幼遇儉戚無以自給
縫衣績投水死

王氏劉崇晉妻崇晉卒氏年二十八繼姑守節兵亂抱女投
火而死

王烈女王朝穎女也年十七遇惡少某謔語謂之女憤投井
死縣令陳爲之請旌置惡少於法

蔣貞女許字高昂未婚昂死女臨喪守節終身不字

衛氏欽縣知縣晉淑說妻姜賊亂執盾紳索餉氏與子泓避

匿山岩賊役斃滿者躡捕甚迫氏恐見辱遂自縊

洪澗下同

喬氏諸生石若玉妻于歸後勤苦相夫夫病傾匱醫藥卒不起氏辭父母從容繼柩側

段氏治銀支某妻也嫁未久夫遭惡疾氏度不能起遂爲治斂具先殮夫側越明日支亦死時年二十一

劉氏晉淑疇妻年十六適淑疇甫二歲淑疇沒決志殉夫脫簪刺其頸不死旋即自縊知縣金貴親奠諒以辭

左氏諸生晉承賓妻年二十六承賓卒子淑京甫五歲託孤叔姒一志從夫晨夕號泣柩旁以哀毀亡

宋氏榮光紉繼妻光紉經商江南氏率子姪往依焉光紉病卒敏時氏取夫巾裂爲二一納於棺一藏袖中厝棺畢遂麻

衣投緘而死徐州人高其節行競爲詩以弔之
景氏高俊傑妻年十八歸高逾二年高以遠賈病歸旋卒氏

祝敘畢即於其夕投井死學使陳爲之請旌縣令魏元煊暨碑記之

張氏劉鍾淦妻適劉未期而寡哀痛欲絕以婦姑在堂強顏承歡及姑沒哀毀難斯喪葬盡禮事畢遂投緘而死當事旌

旌
焦氏劉建邦妻年二十二值癸丑之變城陷賊驅婦女閉置一所嚴守之氏懼受辱夜半自經同時自縊死者又有盧鳳妾王氏傅郭氏投井死者有鄭維鼎妻晉氏董李聘妻李氏其罵賊不屈遇害者有晉爾明妻劉氏並旌表入祠

段氏劉洽智妻幼嫻女教侍夫疾不解帶者累月及卒悲哀過度水漿不入口歷七日遂死同治中旌

范氏師縉妻年十八歸縉逾歲而寡痛不欲生乘間縊死伯

姊憐之給養以祀與段氏並以烈旌

劉氏諸生王浚河母也捻匪入境氏偕家人避匿村外廢園中賊騎充斥氏恐不免遂給浚河令出偵賊乘間遂與適岳氏妹暨里人單某妻張氏王從信妻范氏並其女俱投井死浚河歸大痛亦與其妻劉氏躍身溺焉一門節烈

任氏李鳳池妻避屠紫岸村遇賊爲所執擄之馬上行經深溝故墜而死

田氏鄭繼業妻爲賊獲欲辱之不從賊以刀刺其面刃透兩腮舍之去

李氏韓寶善妻年十九生子甫八月聞警避村溝中賊至度不免遂抱子投井死同時郭懷直妻焦氏攜其二子孫遂恩妻王氏抱其幼女均避賊不及懼爲所辱並子女投井死

楊氏曹廷芝妻三十而寡一女方襁褓捻匪入境避難母家
賤至鬻辱託女於兄弟投崖死又范廷瑾妻員氏范有妻許
氏持以避地遇賊墜崖殞身事聞並旌同時以烈婦被旌者
有任靳氏賈李氏吉楊氏師孫氏楊趙氏郭盧氏范許氏王
范氏常李氏張范氏許李氏王左氏楊張氏吉李氏許柳氏
單姚氏張裴氏任喬氏李張氏景張氏史王氏任張氏許員
氏景郝氏何楊氏郭許氏張郭氏景李氏董苗氏郭賈氏孫
張氏景楊氏孫裴氏郭郭氏王劉氏景靳氏孫黃氏王李氏
王劉氏董張氏董喬氏邢張氏孔何氏王景氏董曹氏李李
氏賈張氏王王氏李陰氏高秦氏張蘇氏龔王氏王張氏張
李氏鄭許氏邢龔氏李景氏李張氏梁梁氏王霍氏梅曹氏
李薛氏張景氏劉景氏邢張氏李陳氏張趙氏秦袁氏邢郭

氏王李氏皆不詳其夫名與李鳳鳴妻任氏李正榮繼妻郭氏李芳繼妻張氏吉興奎繼妻孔氏曹廷梓妻楊氏張際彥女李張氏郭爾彩妻邢氏曹炳文女梅曹氏張好庸妻許氏並遇難殉身完節以死

葛氏海豐知縣劉恪繼妻年二十九捨匪之變輟禦賊不克死之氏仰藥以殉東撫丁題旌

馬氏監生劉多齡妻歸劉逾年夫故號泣毀容志在必殉以有遺腹未果既而生女失所望數日不食而死

劉氏隰州千總杜光域妻光域卒於官氏典衣珥扶輓歸不哭泣亦不言笑經營窳窳令寬其窆葬畢從容如平時及夜投水缸而溺三日具斂顏色如生

郝氏郭慶社妻年二十一夫故哀毀絕粒視舍斂畢乘夜粒

於柩前

喬氏王如玉妻年十八而寡事姑至孝窮苦自甘姑沒歲值大穰氏竭力營葬畢遂不食死

岳氏李佩蓮妻佩蓮服賈客死無子撫幼女三食貧守志值大赦里中婦女羣索食於富室氏恥之閉門忍餓尋攜其三女同溺井死

楊氏師道廣妻夫死竭力營葬畢即投緘殉之

李烈女村民洪福女也張烈女名蘭父廷玉丁卯之變並懼辱自戕奏旌

段貞女陳世輔聘妻世輔沒訃聞終日飲泣吞聲遂抑鬱以卒同治中旌

申貞女許字貢生劉秉愔未嫁而秉愔病劇姑憂念至廢服

食遂成疾。權迎女至，未幾姑愈而棄，惜竟逝。遂齊衰如禮，終身奉姑，米操凜然。

賈氏，郟縣知縣張垚妾。少敏慧，能讀列女傳，論語曉大義。事垚及嫡甚謹。年十八，垚病以年少，令別嫁。氏曰：「主君脫不諱，妾願相從。」垚微哂之。氏曰：「主疑我乎？請先死以明志。」家人以爲誑，不之察。越二日，垚病篤，遂自縊。而垚竟無恙。浮山下同

崔氏，縣民侯于楚之母也。姜逆之變，縣令王廷佐爲賊所迫，墜城下。氏偕于楚方避地，至北郊，遇之，命于楚負王，急行。且曰：「速去毋以我爲念。」于楚既負王，趨至北閣村，及回視母，已爲賊所磔。王感其烈，親爲奠焉。

張氏，進士郭衛宸妾。與衛宸子大府妻王氏，甥朱前妻尉氏

聞寇警，皆投井死。

太平下同

李氏郭而逾妻年十九而寡父母憐其少欲嫁之乘間縊死
監生王陞鶴妻衛氏亦年十九殉夫自縊御史王奐曾爲撰
文以表之

關氏梁邦泰妻夫客外姜賊變被執氏紿賊至井邊遙呼夫
名妾不辱君也投井死

張氏州判韓養度繼妻年二十而孀撫前子如己出誓不二
志父兄迫之嫁憤恨自縊

雷氏張子頴妻年二十有子在襁褓寇變灌辱棄子投井學
使張旌其烈

蘇氏陶日暉妻年二十喪夫矢志撫孤孤尋殤無所依遂自
縊死鄉里哀之

王氏李鴻妻年十八歸李甫一歲鴻亡氏悲慟幾絕既而曰

孀姑垂白吾甯忍死須臾逾歲歸甯父欲奪其志涕泣不應返語姑曰婦恐不能送姑終矣問其故默無一言越日竟自縊

董氏趙崇儒妻年十六于歸婉婉聽從孝奉翁姑越一年姑染疾亡夫亦繼沒哀痛欲絕父憐其年幼欲令改適氏泣曰夫沒時即欲從死以翁年老恐重傷親心姑爲延喘今乃令兒嫁耶遂不食逾月而卒

吳氏賈世倫妻年二十五夫亡翁姑垂老子女俱無氏誓志靡他欲擇嗣以蘇血食繼母冠再嫁痛哭不已逾年自縊夫柩前

王氏陳聖時妻年十九于歸逾三歲聖時病沒矢志事姑撫姪繼堯爲子娶媳生孫其後子孫俱亡氏隨投緹其媳郭氏

年二十三守節以終

董氏王敬三妻無賴高某調以穢語忿而自縊嘉慶四年旌
其後又有張圪塔妻李氏吳五成妻衛氏迫於強暴捐軀明
心並投井死吳定娃妻趙氏因事被辱忿極自縊嘉慶中並
以烈旌

梁氏任世希妻世希亡窮無葬地姑慮其難守語侵之氏急
欲明志遂投纒當事扁斂之

巨氏段嘉植妻十六于歸甫十日夫即商遊旋與棍歸家貧
力作養親艱苦備嘗歷四十餘年舅姑相繼亡乃日向所以
不死者徒以有親在耳今可見吾夫於地下矣遂縊死柩前
焚氏李富仁妻歸富仁甫三月富仁賈荆襄歸而沒於逆旅
柩旋氏痛哭欲殉父勸止至百日哭於夫墓尋自縊時年十

九

王烈女興娥年十四父耕於田興娥爲之陸路遇惡少突犯之不從被殺投其尸於井及事發出尸鎌痕遍體兩手猶握中衣云

毛烈女小香父純監生幼字李範未嫁而範沒於時女年十七聞訃欲往父母弗許含淚不語者久之自是屏絕服飾時見涕痕有以再字勸慰者嗔曰我生死爲李氏人豈能更字他姓耶越歲餘有議婚者至女方執午炊問之出適有田夫飯門首者復歸執炊如故頃之度田夫已去乃復出竟投井死

段氏張廷槐妻李存信者素無賴窺其豔強犯之不從刎頸而死乾隆六年旌

岳陽下同

賈氏范清揚妻清揚沒誓以身殉涕泣絕粒者累日其母勸之曰我年老汝又乏兄弟汝欲殉夫獨不爲我計乎泣曰事難兩全有兒姊奉母餘年兒無憾矣終不食而死里人感欽其烈

呂氏趙雲峰妻夫卒設二棺矢殉隣人勸之且曰死必累我氏乃投牒於縣祈無累鄰令婉勸亦不應死之日會姻姪設與其夫衆賓紛錯覓氏不得已自縊於私室矣維時幄工曹應志妻王氏死事略同邑人稱爲雙烈云

曲沃下同

王氏諸生張渾然妻渾然病篤氏備衣衾每襲爲二或詢之則曰是人所必須者渾然沒服所製衣自縊柩側

李氏許炳妻妾賊變避山堡間堡破呼兒婦李氏與俱死投險絕處氏死李殘廢終身

仇氏舉人梁永建妻寇破堡孟謂永建曰君急圖存無顧我
我必不辱也墮堡而死

許氏呂雲樞妻趙氏郭可盛妻馬賊不屈並遇害

尉氏諸生李振采妻避寇韓村堡時鄰堡皆破語振采急行
振采曰爾將若何氏曰吾已得安身所矣疾投崖死振采慟
哭而行又諸生李登壇繼妻馬氏堡破亦墮峭壁死

解氏李鯤龍妻寇入境被執氏大呼曰吾婦人不幸遇賊有
死而已躍身入井又趙應春妻李氏郭鳴儒妻行氏皆不受
辱投井死

褚氏趙國昌妻避賊汾曲小堡堡破被執上馬不從賊怒斫
死已而復甦抉而折股終身殘廢又許元鼎妻李氏墜城死
董氏秦琬妻及笄歸琬子女各一琬病革謂氏曰我死擇事

夫氏泣曰勿擾病懷妾自有主因以子女囑姊妹意其夫將不起領之氏歸即自縊夫亦尋亡

蔡氏李柱臣妻年二十四而寡礪志守節順治初爲盜所掠議不受辱死之

王氏楊屏妻年十六歸屏月餘屏亡越七日自縊

劉氏喬國恩妻名小件喬他出有惡少踰垣犯之氏厲聲大罵惡少怒持剪刀刺殺之

張氏張永賢妻小字恩恩賢貧業鑿煤宿山中有狂且乘夜入室挑氏氏大呼狂且遁語鄉鄰以故哭達旦賢歸述其人即投井死越四日始斂顏色如生

王氏董萍帷妻萍帷卒自經家人救甦殉志不變逾年萍帷忌日痛哭仰藥死

賈氏李敬妻敬沒子亦天氏曰泉臺或相聚也哀毀而卒

王氏郭鵬翔妻鵬翔家貧稱貸頗多鵬翔死鬻產具斂餘則盡償債或疑有他志微諷之不答遂自縊

賈氏徐士揆妻張氏趙帝摧妻王氏劉廷元妻夫死不欲獨生俱縊以殉

張氏許介繼妻年十八歸介介赤貧不聞有詭詐聲介沒悲痛欲絕密製襪衣夫葬有期潛自縊

李氏賈愚妻結婚甫十日愚病亡氏痛哭誓殉越二年愚將葬啟舅姑歸甯並問外王母無恙既返夜自縊年僅十八邑令王世純以完節旌之

吉氏楊勝任妻勝任沒氏年二十四欲以身殉念姑老無依忍死奉養後數年姑亡遂自縊

石氏常念祖妻年十九而孀無子欲以身殉舅姑力止之已而歸甯其父母諷令他適氏痛哭不言即辭而反不食九日卒以烈旌

王氏李正心妾正心沒哀痛幾絕後值正心生長上食畢自縊以殉

宋氏韓藩妻年十六歸藩甫三歲藩沒遺孤未啐矢志鞠之及服除子已免懷清明拜掃歸投縊死

王氏任璿妻璿篤病喑以他適氏以好言慰之越數日見疾必不起先自縊璿知之含涕而逝

張氏宋定基妻年十六于歸琴瑟靜好定基病瀕危氏以死許定基曰婦性無常庸可信耶氏潛入別室沐浴自經越數日定基亦死

沈氏諸生王天成妻歸甫期天成卒乘間自縊以殉

楊氏傅恂繼妻恂卒晝夜悲泣乘間投繯死

楊氏諸生李盤根妻盤根沒自盡以殉

仇氏傅佩妻佩卒氏年十八誓以死從姑指遺腹止之曰俟
子生死未晚也氏泣應之子既媿遂不食而死

毛氏劉根安妻根安他出有強暴入室氏厲聲呼得免尋自
縊時年十九

趙氏郝明泰妻家貧氏紡績以佐生計有賢聲後明泰病垂
死囑以他適氏泣曰君死義不獨生也既卒含斂畢自縊
前

某氏失其性孽生李騰暉繼妻也騰暉病沒無子誓以身殉
家人防之不得死至七日俟人靜理髮整衣縊於柩前

王氏劉廷元妻廷元墜崖死氏晝夜悲啼勺飲不人尋投繯
極御

朱氏字青娥任鳳鉉妻鳳鉉故貧氏辟績養姑無少怨尤後
鳳鉉染惡疾維持調護歷廿年不懈鳳鉉亡姑亦旋逝寄養
母家弟偶諷之他適遂絕然歸紡績自養歲歉食不給乃自
經死

劉氏監生郭銑妻年十八歸銑事翁姑以孝聞銑病半年親
調湯藥不懈比沒父憫其少寡氏窺親意別有在即屏飲食
衆勸之則曰隨夫偕死固吾願也哭泣數日而死年二十七
祁氏張珉妻年十九歸珉越三年珉卒氏哀痛情至數日不
食而卒

許氏周洵妻年十四歸洵數年洵沒於楚遺孤克遠僅四齡

翁姑垂老氏仰事俯育克盡孝慈家故貧孤既長始迎洵樞
自楚歸氏理喪致哀夜半潛自縊於樞側衣袂端好皆針綫
密縫時距洵死已十年矣成歎其從容就義云縣令黃扁表
其閭

談氏祁丕顯妻年二十三丕顯卒即欲以死殉家人慰且防
之不得開後仍自經

趙氏巨寅妻歸寅未幾而寡矢志立節父母勸其改嫁遂投
井死

段氏傅其灼妻其灼卒無子女斂畢投井以殉

鄭氏吉耀辰妻年二十耀辰卒痛絕復甦遂不言亦不食三
日死

吉氏王學周妻家貧忍餓無怨言夫亡葬畢自縊死

趙氏楊暢德妻年十七于歸暢德隨父貿易河南氏家居奉姑以孝聞後翁客死姑往迎柩氏獨處有強暴夜過之氏持刀力拒得不辱憤極泣訴於鄰婦投水死

楊氏吉肇元繼妻肇元經商陝西客死氏聞信投水死

張氏常學瀛妻年二十學瀛卒欲以身殉家人防守之數日稍間服毒死

郭氏增生張登龍妻年二十二而孀安貧矢節踰數年忽有奪其志者時翁姑伯舅及夫皆未葬夫弟亦沒乃紉之曰能爲我舉五喪者願從之其人欣然助營兆封棺畢氏竟仰藥死

趙氏舉人行鍾岱繼妻鍾岱選榆次教諭甫到官卒柩旋氏痛哭幾絕逾年遺腹生女甫經旬走繼柩側

馬氏周克恭妻年十七歸周不三月克恭遠出二十餘年無
耗氏事舅姑並祖姑婉婉得歡心後聞克恭已死痛泣因得
顛疾不食而死

馬氏王之突妻年二十二夫亡自盡以殉

李氏池州知府仇恩榮繼妻咸豐癸丑粵逆陷城恩榮被戕
氏號罵不已賊復欲殺其子汝修力護之賊脅以刃罵益厲
母子並遇害

張氏理問仇恩覃繼妻恩覃遇賊被害氏奮前罵之願與夫
同死賊殺之

鄭氏王丕融妻蚤婚矢節四十餘年賊掠及其家屬辱罵之
賊捽其髮脅以刃奪手投井死

劉氏同知王作柱妻舉人恩耀母也本洪洞名族知書史訓

子女每舉古賢淑節義事聞變誓不受辱率其孫女辰旭從
孫女從九蘇俊藻妻同投井死

張氏陵川教諭李家駒繼妻少孀守節逾十六年聞城陷懼
受辱與其姒許氏攜手投井死媳馬氏孫維斗相繼殉焉家
人從而死者十餘人

仇氏監生崔映漢妻聞城陷舉火自焚家人急救之火息而
賊至藏複壁中聞夫死復投縲以殉

衛氏從九品李家相妻也張氏李成慶妻賊至懼辱均投井
死

狄氏蘇文玉妻節婦也賊掠及其家奮身罵之遇害劉氏呂
夢麟妻亦孀居守志不屈死

張氏因伯熊妻賊至與妾崔氏及二女並遇害同時不屈而

死者有監生蘇人傑妻周氏耆民蘇友桂妻楊氏舉人蘇廷
直繼妻衛氏舉生李家珍妻高氏增貢李家驍妻許氏舉貢
李元彥繼妻趙氏歲貢李元健繼妻馬氏生員李元襄妻閻
氏舉人李元亮繼妻衛氏詹事府主簿崔在鶴繼妻李氏諸
生許錦恩妻李氏監生張斗偶妻蘇氏恩貢生蓋星符妻衛
氏妾陳氏從九品張德輝繼妻閻氏歲貢生仇懷德妻楊氏
從九品蓋星衛妻李氏千總耿振清妻許氏耆民劉炳繼妻
李氏州同許卿章妻裴氏妾張氏諸生仇履中妻段氏諸生
王尙友繼妻李氏六品銜裴繼曾妻朱氏監生郭振遠妻吉
氏把總張國華妻荆氏監生張翊妻劉氏諸生呂傳曾繼妻
張氏監生李鴻飛妻韓氏增生董文明繼妻耿氏監生李樹
德妻李氏諸生仇鼎鳴妻張氏諸生仇連璧妻李氏附貢生

衛暢妻吉氏從九品韓璋妻解氏因連元妻張氏監生柴積
山妻李氏仇悞弟妻文氏諸生蓋官儀妻許氏監生許錫晉
妻樊氏奎文閣典籍耿致庸妻李氏從九品張耀先妻蘇氏
監生李紱繼妻楊氏諸生呂玉麟繼妻梁氏郭虞妻李氏許
齊芳妻衛氏劉燉妻王氏蓋松節妻成氏許吉臨妻董氏仇
可銑妻許氏張和光妻李氏邊文明妻衛氏妻劉氏李梓母
劉氏妻賈氏劉耀妻張氏李會賢妻衛氏許漱芳妻衛氏衛
乾衡妻薛氏張炳榮妻胡氏諸生張涵輝妻段氏靳可敏妻
王氏仇如漢妻郭氏董得勝妻章氏李學聖妻李氏李忠妻
周氏吳永學妻褚氏張景命妻李氏張雲程妻張氏因伯仁
妻郭氏許奉諧妻荀氏蘇忠元妻王氏何鳳文妻馬氏張釜
妻田氏柴成林妻王氏徐桂林妻郭氏王基妻王氏仇恩渥

妻尉氏仇懷忠妻栗氏郝金祥妻吉氏張鑑妻秦氏賈德慶
妻文氏藍壽川妻張氏秦如檀妻郭氏衛新榮妻田氏王秉
福妻許氏衛佩綸妻王氏衛公睿妻王氏張洛妻蓋氏仇昆
恩妻蓋氏李建功妻強氏許祝五妻范氏李孟學妻晉氏韓
耀妻王氏文玉麟妻祁氏解世昌妻解氏王華妻韓氏賈盈
善妻王氏許騰漢妻劉氏賈仁慶妻崔氏王之道妻許氏張
雲錦妻柏氏劉學鏞妻秦氏李孟學妻米氏仇如阜妻上官
氏張有容妻蓋氏李永康妻陳氏張某妻武氏解某妻劉氏
張某妻段氏席某妻張氏劉某妻鄭氏席某妻劉氏劉某妻
解氏黃某妻喬氏並張常某妻許氏常某妻張氏並常張某
妻郝氏張某妻賀氏並上傅某妻王氏莊因某妻韓氏盧某
妻張氏衛某妻王氏柴某妻盧氏行某妻郭氏孫某妻樊氏

程某妻程氏盧某妻賈氏衛氏

內城楊氏張氏

西馬氏

上王

氏

白集

皆失其夫名席雄文母某氏樊鳳翔母某氏陳月盛

妻某氏梁世俊妻某氏王五桂妻某氏趙鶴年妻某氏鄭殿

元妻某氏張德盛妻某氏賈進娃妻某氏張元順妻某氏皆

失其姓並以烈旌

辛氏胡大猷妻同治丁卯捻匪掠及其村氏登樓執刀厲聲罵之賊怒焚樓與其孫並燼焉

張氏議敘八品謝開基妻捻匪至奮罵不屈投井殞命又有辛氏魯夢兆之子婦也爲賊逼脅乘間投池死

其同時殉難烈婦有辛允直母梁氏暨妻胡氏辛鳳鳴妻孫氏辛金之孫媳王氏胡天德妻張氏國子監典簿鄭蘭妻薛氏王步揚妻辛氏王步廷叔母李氏監生董思敬妻張氏康

生謝瑛母沈氏董國泰妻宋氏謝綱妻衛氏鄭興輝母李氏
侯玉麟叔母朱氏謝開基妻鞏氏王作柱母賈氏李立門母
王氏文協川伯母許氏楊蘭茂妻石氏毛忠明祖母魯氏楊
伯齡母郭氏高登成妻李氏王統虞妻張氏王生妻李氏李
檜齡妻王氏李仙舟妻喬氏李登魁妻柴氏李廷俊妻劉氏
黃國姓妻吉氏賈官印妻薛氏賈得任妻李氏賈勝任妻楊
氏黃濟娃妻高氏李紹毅妻王氏周之楨妻常氏邵科娃妻
董氏聶新年妻相氏王鳳林妻勝氏胡如山母辛氏劉福祿
妻荀氏王學儉妻邊氏邊屏中妻馮氏邊日新妻王氏邊朝
中妻張氏張天申妻張氏景文妻李氏張淵德妻何氏李永
德妻王氏王仰星母馮氏張大元妻王氏楊挺生妻張氏辛
進成妻鞏氏辛學彥妻王氏王返兒妻張氏呂長齡母劉氏

辛蘭蕭母裴氏及嫂辛氏妻徐氏辛恩矩妻劉氏柴迎禧母
文氏王文題妻魯氏賈占魁妻張氏武殿福兄某妻李氏辛
眉生妻張氏辛如鐸繼母楊氏王越妻馬氏王丙午妻李氏
張務本妻王氏龐其志妻王氏生員柴道一妻楊氏劉林姓
母王氏柴秀春妻胡氏梁瑞泰妻張氏王九江妻柴氏胡吉
人妻陳氏薛雲章妻柴氏薛升堂妻常氏薛士章妻王氏楊
全盛妻鞏氏王德明母劉氏王銀娃妻蘇氏趙耀龍母王氏
王新成母杜氏韓積榮妻王氏王文學母郭氏李折桂妻董
氏辛長庚母謝氏柴文選妻李氏文協仁妻李氏李魁顯母
王氏吉占鼈妻李氏左保貴妻王氏因伯熊妻崔氏張永豐
妻某氏又客民婦張氏陳氏陳氏不詳其籍及夫姓名並彙

旌建坊入祠

蕭烈女賈繼成聘妻也通文墨好讀列女傳未婚而繼成卒女聞訃哭泣欲奔喪父母阻之誓死不嫁父陰字他姓爲治匱具女覺書矢志完節四字自縊繼成故隸旗籍都統奏聞給旌昇棺合葬焉

行烈女字秀英父有則許字監生許印然之子世泰未嫁而世泰死女聞訃遂自縊縣令請於上旌其墓

蘇烈女恩貢李元儀聘妻也嚙逆之變父延紳叔廷直並遇害女痛極奮身詈罵賊怒劈裂十指支解死同時以女子殉節者有王氏辰姐舉人恩耀女教諭吉守中聘妻也及李書敬聘妻鄒氏監生張斗偶女蓋官正女兆麟諸生呂玉麟女運姑靜姑蓋源長女都親耿致庸女親彈邊聞興女銀姐李梓女採兒藍壽川女四兒張德輝女菊齡李元襄女暖雲李

元亮女縉雲邊聞韶女豔絨劉氏女端端王華孫女麥姐李
絳女合姐柴積山女暖心金姐張新命女靜姑王琴臺女團
姐吳炳南女花爾及張元桂妹許銘恩女衛振國女郭慶進
女常步魁女陳月盛女盧進忠姪女賈氏二女劉耀三女屈
善成二女張德盛二女郝金祥三女路氏女崔女兒娃常女
五姐並以烈旌

狄烈女諸生世榮之妹丁卯之變賊逼隨從不屈病罵被殺
李長庚女淑姐亦以不屈死

許烈女鸚兒道南妹與張鼎女並遇賊不屈乘間投井死同
時死者有鄭永遠女桂香李治木女李娃王邦魁女玉岡李
仙舟女艾娃李登榜女地英子蘭鏡娃黃圃娃女卦青花華
賈官印女海棠王鳳林女喬娃李家珩女進娃胡如山女鸞

黃對福祿女忠兒珠兒張元太妹鳳娃張天佑女培娃王學
儉女翠娃景文女巧姐王學禮女木娃白太峻女朶娃辛蘭
薰女幼女辛如鐸妹鳳英月英文翠兒楊孝孺女雪兒柴敬
一女芹兒王德明女義娃王相妹都親及王培桂女荆旺二
女衛江女狄仰傑女馮蘭英姪女其幼女從死者有張大元
女辛林芳女辛重任女辛曾恩女陳明義女劉九旺女李圪
乍女並以烈旌

唐貞女武生薛維廉婢薛夫婦相繼沒子紹先甫三歲室無
旁親女鞠育甚至每攜紹先至墓上伏地痛哭蓋陰以贖妾
許之也數十年間歷盡艱辛終身不嫁

談貞女年及笄未字兄沒無子女嫂某氏矢志慮女嫁隻身
女乃言若爲兄守當伴之終身遂誓不出閨門年踰五十以

處女終邑人張子特表其墓曰義姑

巨貞女許字張輝祖未嫁而輝祖病沒女奔喪守節數十年如一日被旌

貞女金姐失其姓氏家貧父傭作許同儕某氏子畫畫爲養媳待年其家未幾畫畫死翁姑送歸女將議他適女聞之潛出徑反家遽冠笄誓於畫畫柩前孝養舅姑以代子職冰玉自守雖至戚不輕面也

房貞女父翠環監生女許字僞童褚希雅將婚而希雅病殂誓以身殉父母急慰之即送歸於褚既至日夜悲泣或勸之則曰生無益於世不如早歸泉下爲愈也踰年竟以毀卒

彭貞女父邦瑞監生江西人幼字仇步瀛之子連圻年十八連圻死女欲奔喪父母以道遠不許而聽其守志歷二十年

始來歸髮已斑白矣事繼姑循循執婦道年五十二卒

石崖烈婦農家女也逸姓氏夫商於外婦姑偕處安定國變掠其家悅婦色欲亂之不從刃姑以懼婦婦紿之曰若能爲姑營葬則從不且死賊果購棺以葬葬已婦墜石崖死賊愕然歎息去時有在賊中者傳其事

異城下同

呂氏董嬭妻也執紼葬翁突遇流寇執氏氏紿言願從但求告白父母更換色衣以兆吉祥賊從之行臨井邊躍身墜焉賊散去家人問知撈出口述前事而逝至今人皆指其井爲節婦井

周氏寮楷妻年二十五楷卒母欲嫁之不從自縊死

王氏盧慶瀛妻年二十夫亡氏含斂祭告悉如禮無何泣拜夫靈更櫛沐綵棺側

高氏楊文焯妻年二十四夫亡痛絕而甦者再視歛畢即自
縊

馮氏許錦妻年二十五夫亡無子自縊死

孫氏張一貫妻姜逆之變一箕被賊殺迫氏俱出氏叱曰死
不汝從也堅抱一樹腸不絕口賊怒斷其手足支裂而死樹
隨枯

常氏諸生衛瀚妻年二十六瀚卒殉志甚堅姊姪以幼子勸
氏曰子已七歲不待乳哺矣且有伯氏在可無憂也絕粒而
死

耿氏王繡妻適繡甫二年妻賊之變家避山河賊至將刃
繡氏直前告曰繡姑畢生苦節願留夫養妾請代賊舍繡挾
氏行過井邊墜馬遽投賊急挽之仆地不超賊怒遂手刃焉

曹氏銅鼓營同知石家紹妻家紹以循吏卒於官氏扶柩歸
中途從容投江死比獲尸衣服整齊如故年四十八道光中
旌

常氏母作明妻作明沒遺二女撫之長既適人氏從容投井
死年四十四

翟氏張三綱妻年二十夫病篤與之訣令他適氏流涕曰君
疑妾有二心耶當令君親見之尋自縊於別室

崔氏張寶成妻年二十九寶成遠賈卒於途氏聞耗一痛幾
絕晝夜哭泣闕七日投繯死

張氏安于魯妻于魯沒痛不欲生以有遺腹強起既而生子
不育遂絕粒死年二十七

黃氏張篋妻年十九適篋舅姑已先逝未幾篋病沒氏投井

以殉

薛氏諸生任登第妻年十七登第沒痛絕復甦卒不食而死
史烈女呂居濱之聘妻也年十八將嫁而居濱卒女衰麻奔
喪旋自盡以殉諸生呂恩臨作貞女行以表之

崔氏胡美順妻年十八夫病矢以身殉及病革痛哭即投別

所自縊俄而夫稍甦氏已先卒夫歎息數四尋亦沒

鄉府下同

史烈女父良奇村農也女許字張星元之子某年十六未婚
婿爲虎傷女欲往弔父母弗許嗟歎累日適有求婚者父母
將允其請女曰我字張即張婦也奚再字爲欲自盡防之甚
至寸絲尺縷搜取殆盡越日割雞烹鮮偕母進祖母饋談笑
如平時母方侍食女託故出久不至母驚起視之已縊死於
他室究縊之自來蓋密繫於暉者著體痕深血漬已非復朝

夕問事矣

辨帝下同

李烈女李固生女字同邑某氏子已納聘有狂生館於李去女居不遠窺女端淑注意甚乃構巖語激其夫夫果信之請解盟女聞即自縊固生哀憤訟之官獄得其故褫生衣頂杖懲示儆未蔽厥辜既釋歸忽發狂疾歲餘死遠邇傳播以爲

貞魂不釋云

以上平陽府

李氏訓導張述善妻姜逆之變氏隨姑王氏避亂山谷賊迫奮身投崖死又王浩元妻李氏亦以不屈墜崖死

承濟下同

趙氏葛振盛妻寇變與夫並被擄乃密以簪珥授夫且曰營兵中勿認我爲婦懼汝害也兵欲亂之不從抽刃以脅乃引頸迎刃而死

韓氏諸生張翹妻避亂入山賊追及氏顧謂家人曰爾各自

計無顧我此即我畢命時也遂投屋下婢滿兒以手挽之因俱碎焉

王氏展奇第妻賊至被執上馬力墜者再終不屈賊怒殺之張氏裴渤妻渤卒遺一女矢守養姑父母欲奪其志氏抱姑及女一慟而絕

李氏甯孝妻孝貧爲傭自給一日病臥氏外出刈草將爲炊里人王某素凶豪見其獨運犯之氏罵不從竟爲所殺乾隆中旌

蕭氏張正興妻有宋某者乘間挑之忿恨投井死

李氏吉無違妻歸無違生二子一女無違外出惡少踰垣夜犯之氏持刀大罵惡少遁去忿欲自刎鄰嫗救止之越四日卒自縊乾隆七年旌

石氏全大義妻大義外出族某夜入其室強犯之氏抵死喊拒始遁去旋含憤自經乾隆中旌

姬氏呂文煒妻爲族某強逼不從被殺嘉慶中旌

陳氏張天相妻偶摘木棉村外村無賴張三正見其獨在田中穢語調之氏義不受辱罵聲斥罵張既遁泣而歸含憤自縊死時道光八年七月也事聞予旌

韓氏原生崔九皋妻兵部司務鎮女也年十九歸九皋有賢孝聲逾二年九皋病卒慟哭幾絕將以身殉家人以舅姑俱慶當侍養責之始勉起奉晨昏無何夫兄琳觀察蘇松迎養二親舅姑強與偕往以久厭紛華願留家奉祭祀爲言舅姑重違其意遂聽之居未幾忽掩關擁衾不食不言歷十餘日竟卒年三十六同治中旌

傅氏訓導崔述祖妾年二十五述祖病沒晝夜號泣淚盡繼以血視舍斂畢趨別室沐浴更衣夜深潛縊柩側

尙烈女尙正基女族叔所基素無行規女姿久蓄異志一日方櫛沐從後撲之女驚急奔出所基禦不許女趨土坑上將逾窗外所基強持裂其衣女誓罵不屈所基恐刃殺之事發所基置法疏請旌女

宋烈女幼許字翟氏子光福年十五婚有期矣而光福適病卒女聞之不勝痛悼飲食爲之減父陰令家人詢其隱以守貞對父不從竟改字張姓納采有日女始知料父意難挽乃

白縊

楊烈女父成台村居女生而貞靜有姿色年十五父貪厚聘許字優人劉姓女恥之婉諫不從繼哭泣至以死生爭父賸

山陰通志卷一百一十一 列女傳十九
賸惟利是視置罔闕納采有日即夕投繯死同治中與宋女
並旌

張貞女父某村農也端謹性成不苟言笑字同邑李氏子兆
祥年十七未嫁而兆祥死聞訃欲奔喪慮見阻悲泣不自勝
父母詢知不忍奪其志以達舅姑舅姑悲且喜乃擇日迎歸
加笄抱夫主而成禮焉事舅姑歷八年以孝聞一日將歸甯
甫登車而墜遂不果往扶以入室端坐而逝所服之馬亦以
是日斃一時異之

馬氏衛大垣妻年十七夫亡誓死方抱娠勺飲不入口者數
日舅姑諭之曰汝獨不爲而夫嗣計耶氏意寢解閱數月子
宏生辛勤鞠育已踰十歲偶過外氏有憐氏年少者氏泣曰
向之不死徒以藐孤今孤已長吾生爲贅疣耳遂攜孤返備

言身後事潛自縊時年二十八

臨晉下同

秦氏術積樸妻少寡族人利其嫁知氏志堅不可奪謀強劫
迺夜薄其室掖而納之與氏大罵墜與復使強有力者負之
以走氏憤極探懷得利刃自創其面眾乃遁

孟氏張建森妻年二十一建森死子未晬家人慮其難守欲
嫁之令所善嫗致意氏不應以斧自墮其指苦志以沒里人
稱爲沒指娘

楊氏王學禮妻年二十二而寡父母以其年少無子令再醮
氏曰家貧姑老無人奉養姑終天年當如命乃織紵度日以
奉晨昏歷十年姑沒父母執前言促之泣然曰曩不死者爲
姑也今姑沒大事畢矣遺此一軀徒爲父母累耳遂投繯死
聞者哀之學使孫匾旌其門

姚氏齊友德妻年二十二而寡撫孤矢志歷十餘年光緒丁丑歲大祲里中婦女羣索食於富室氏閉戶忍飢曰餓死事小廉恥事大寡廉鮮恥所弗爲也鬻產既盡計無所出乃理妝易服攜子女投井死尸出顏色如生

武氏薛治平妻治平服賈河南客沒計聞氏痛哭幾絕及迎柩旋里乃自縊

張氏名心曼張興兒妻也年十八綽約有姿同里富人豔之賄翁姑令通意氏堅拒不許強之氏拒如故翁怒絕其飲食褫衣縛柱至以利錐刺下體身無完膚血流如注婦聲色愈厲終不屈而死聞者莫不流涕

孫烈女生員永徽女字孟某于歸前五日孟卒女日夕飲泣誓不更適尋遭危疾語祖母曰兒夜夢遊澗遇一柳二樁間

熱心竭月而卒孟葬請耐許之墳正當一柳二楸間也學博石現園爲之傳

徐貞女幼字胡氏子登第登第弛擔遠方女及笄父母隱有他意女愴懼而歸於胡奉舅姑惟謹以織紵易甘旨而已精練不厭舅姑愛而憐之以子存亡未卜終誤女也願其他適而女終矢志不二久之其族人有於他省見登第者急逃女貞而登第以貧故終無歸意女聞之亦無怨言舅姑卒喪葬俱盡禮有姊嫁于楊家稍裕憫其貞而貧也分田與之且嗣以巳子年踰五十守令爲之請旌

劉氏監生張許繼妻歸張數年夫亡無所出決志相殉前子

天眷刻爲防護值元夜防稍疏飲藥而死

虞無下同

郭氏馮興玉妻歸馮後翁姑相繼沒未幾夫又亡氏年十八

誓以身殉以三喪在堂忍死竭十指力歷十餘年次第藏事復積貲悉償夫逋並製衣棺乃自經死親黨義而葬之

閻氏杜叔梁妻歲大祲叔梁死氏泣謂鄰人曰妾旦夕且從夫敢以遺軀相累如得同穴感及泉下矣鄰諾之饋之食不受數日往視已僵矣其旁草席麻索具相與悲悼瘞之

師氏張熱閻妻早孀家貧撫孤守節以織紡自給尋有逼其再醮者忿曰吾誓死不移志也徑自縊縣令匾旌之

張氏薛爾英妻夫亡撫遺腹子安貧矢志子長不才復早死氏子身苦守無二心卒以餓死

楊烈女陳甲戌聘妻也將嫁而甲戌病篤遣媒以翁姑意約女一往視因隨母至侍湯藥數日而甲戌沒女以翁姑老誓守義居數月族有利其嫁者翁姑爲所惑將從之女悲悼自

氣死

王貞女王業建女名柏英字魏氏子述基將嫁前一夕述基死女哀慟絕飲食者三日請往弔父許之遂留不返持服奉姑撫族子爲嗣包令劉區旌之

王貞女父習家永濟女少字縣人楊聯芳子君養待年於其家君養商於外二十餘年聯芳疑已死憐女欲嫁之女執不肯請終待且侍養翁姑遂習熟棉術佐以織紡供養翁姑沒具棺以葬戊寅大履姑勸逃活曰願同餓死年六十餘竟以女妝卒

王氏荆起端妻夫亡遺子女各一窮瘁萬狀夫弟將奪而嫁

之氏投井死

衛氏下同

張氏史書妻書本籍秦中行醫於縣書卒遺一女氏父進才

勸改適氏正色曰從一而終義也進才潛受人聘氏聞寄女於史之友自縊死

荆氏郭琛妻生子不育琛病革氏泣語母曰兒無姑何依無孤何撫願及其未瞑先死以博一顧母止之不得遂吞毒腸斷指裂見者兩泣琛亦尋卒康熙中旌

任氏陳可濟妻家貧日不再食怨尤不形歲歉夫死於飢氏營葬畢城泣於墓投井死

荆氏郭爲翰妻年十七適爲翰逾歲爲翰隨世父任卒於越氏飲毒自盡家人覺而解之自是日或一食故啜冷水未半年疔瘡而卒

張氏薛盛泰妻盛泰僑居曲沃咸豐癸丑粵逆陷城氏懼辱自盡祀曲沃節烈祠

孫氏史肇祥妻年二十一肇祥卒既除服自縊死縣令許旌

其門

志又有董肇祥妻韓氏事實相同

岐烈女字李軒子某李子與人戲誤中箭死女聞訃潛取聘帛自縊學政邵嗣堯爲之傳

解氏楊月蘭妻年十八性貞淑動循禮法月蘭表姪董胎子往來其家氏以自親蓄之會月蘭賈於外氏獨居胎子乘夜入寢犯以非禮氏持燈奮擲胎子奪燈還擊身無完膚血漬牆屋間叫呼之聲不絕胎子遂斷其頭而遁知縣鄭章廉訪得寶斃胎子於獄表氏墓萬泉下同

王氏李階妻年十九階沒誓欲死殉親黨力持之並勸以立嗣勉從之未幾嗣子復殤遂哭奠其夫繼死柩前

王氏李喜樂妻從夫僑居曲沃咸豐癸丑粵逆陷城殉難同

時死者又有劉某妻王氏某妻楊氏曲沃人爲巢旌

王氏陳明義妻與楊合二妻王氏馮某妻王氏某妻陳氏並
僑居曲沃殉丁卯捻逆之難祀曲沃節烈祠

王烈女王昌社之女年十六父母偕出里中見薛進喜類其
獨處逼污之女不從被殺維時鄰幼女有竊見之者微露其
事邑令瞿亮邦案問得實進喜論如律女獲旌

崔氏張五綱妻姜逆之變潛匿高密賊入率之氏不受辱投
百尺崖而死時年二十

榮河
下同

杜氏諸生李盈院妻年二十喪夫擗踊號慟誓以死殉潛縊
柩前

柯氏侍郎李嵩妾嵩病劇氏徬徨絕粒及卒於柩旁自縊死
年二十五

吳復與妻某氏幼養於吳合香後夫亡夫兄貪厚幣令轉適
氏矢志不搖強逼之飲毒待斃或欲解以藥聞腹內裂腸聲
聞曰汝悔不氏曰婦人再醮不如速死之爲愈何悔焉莫吾
救也尋卒

樊震庚妻某氏年二十八震庚卒無子氏晝夜號泣臨葬投
穴不死歸而自縊爲婦州救免復絕粒死

王氏閩昔構妻昔構沒既葬日詣墓痛哭哀動道路尋自縊
死

李氏李黑子母也年二十五喪夫痛不欲生有以姑老子幼
家貧無依爲言者氏意解仰事俯蓄勤苦備至後姑終子女
成立慨然曰吾事畢矣閉戶投緘而沒

聶氏李願管之母年二十九而孀姑垂老子甫數月家貧織

紡以供饗殮及姑沒子亦天泣曰未亡人所以苟延殘喘者欲爲李門延一綫耳今若此復何望哉遂自縊

茹氏舉人王守圭妻年十七歸守圭翁亡事繼姑曲盡孝養夫偶失歡於姑氏即長跪引罪姑頗解始起同治中守圭攜家入都尋病沒無子氏痛不欲生旋念夫柩未歸哀鄉人爲醮齋扶以旋里葬畢集守圭門人囑爲墓揭壽仰藥自盡年三十六光緒中旌

潘氏襄間行妻年二十而寡一日歸甯詢其父曰世間夫婦泉下便分離乎父云烏有是氏默然尋抵家自經死以上蒲州府右太原平陽蒲州王府屬七百八十二人

山西通志卷一百八十